

福惠全書

十三

74

6473

13



門 74  
號 6473  
卷 13

福惠全書卷之二十三

宜豐黃六鴻思湖甫著

朔望甘結

大日本

江戸

小畑行簡訓譯



凡州縣無論保甲之設否每朔望索取各地方鄉邨無事  
 甘結視爲具文該承役取其投結常規束之高閣有何裨  
 于地方即以保甲論之千家長保正長等朔望投遞甘結  
 縣署之前環繞擁集不下數千百人詎惟往返守候動須  
 數日而州邑中之飯食每于是日陡貴網利鄉人卽一投  
 結而每歲累民已二十四回矣況其他乎鴻于鄰東每月  
 初一日起至十五日止十家內並無失盜窩逃以及奸宄

福惠全書

卷之二十三

保甲部

一

昭和十六年八月五日  
野村堅氏

之當作是

潛藏往來等情十家長具如虛甘罪結狀投報保正保正  
即據各十家長所結具如虛甘罪結狀投報保長保長即  
據保正所結具如虛甘罪結狀投遞本縣自十五日至  
三十日具結亦如之如半月十家中有犯逃盜等事十家  
長即結內敘明本甲于某日起至某日止除某戶某人于  
某日為某事已經呈報外此外並無失盜云其保正保  
長結內亦照式敘明按月依行是朔望之時止數保長赴  
縣遞結而省却各保甲數千百人往返守候之煩飯食常  
規之費矣然而無所取驗十家長之具結保正保正之具

結保長保長之具結本縣其有無真偽亦難辨也于立法  
之始令城鄉五保長計所管保正共若干名按東南西北  
城中分立字號各給圖記一枚如東字第一保東字第二  
保之類其圖記之形亦各按方形如東方甲木置為長形  
南方丙火置為尖形西方庚金置為方形北方壬水置為  
曲形俱于圖記內本保正親書某字第某保保正信記下  
書本保長花押以便各認自己筆跡花押使人不敢假冒  
雕刊其各保正亦按方形置圖記于所統十家長各給一  
枚本十家長親書某字第某保第某甲十家長信記下書

福建通志

卷之二十一 保甲部

二十一

本保正花押其圖記俱要用堅木精工刻成不可潦草糊塗難于識認其保長圖記則本縣置給亦按方形親書本縣正堂給某鄉某保長信照下書押凡有報單呈稟結狀俱于紙尾鈐印此圖記不問何人投遞止以驗圖記為憑譬之質庫中之質票所謂認票不認人是也似此即保長具結亦可不必親至公庭竟爾肅然而十家長之具結保正保正之具結保長俱可免其往返之勞矣所給圖記俱要敬謹收藏遺失者有罰如十家長遺失須即報保正保正遺失須即報保長保長遺失須即報本州縣俱另換記

號字樣不與前同以防奸人紊冒如隱諱不報候事查出從重究處

調集符信

夫有事而調集壯丁全以符信為憑若徵調不明遲疑貽誤則咎將誰諉然非有神奸巨盜黨羽衆多大夥鹽徒親行擒捕者斷不得徵集以勞吾民若夫暇餘出獵村路遊巡遽集壯丁以資娛樂飾觀是以保護地方之心轉而為狎玩自嬉之舉不惟官長之威令不行而百姓因之解體則雖有保甲之制不足恃矣可不惜哉若事非得已亦宜

酌量遠近多寡而調方為妥慎法宜預置堅實木籤長八寸濶寸半厚三分每樣二枝為一副金頭粉身書字畢上單以油其右畔一枝由右寫左上書某州正堂某姓示諭城廂保長知悉本州凡有調集本城廂伍壯即發此籤密傳知本保長籤票一到即刻飛馳密傳知票內所調鎮集郵莊保正十家長伍壯等立刻裝束持械遵照定限時刻齊集某處伺候本州親臨調度事關機密勿得漏洩遲悞如敢違限聲揚定行處死不貸慎之特諭于兩籤合縫中間上半截大書某字號合同信籤

如城廂城字號廂字號東鄉東字號西鄉西字號

號之類官押右籤下半截書右存本州西字左籤下半截書左付保長等字其左畔一枝由左寫右字文全前外用月白布套囊之再用藍綢繪以螭形染油作套囊于布套之外其左半枝付保長每人一枝其右半枝存內署謹密處如有事徵調或賊徒在某鄉某處離城若干里自城往彼經過某保某鎮集郵庄查勘明確於內署寫票即傳所過之保鎮集郵莊伍壯約畧傳集遠近于何時何刻可到齊集之處方立限定期刻使人可以遵馳其票寫就硃圈判日并某時發用印以票邊實粘籤背捲在籤上外用白棉

紙封好硃書某鄉保長某人密折粘縫硃書封字襲以布  
 網囊差親信妥役馳付保長保長拆開看明即于票尾註  
 明某時某刻到某刻發某處去訖于籤票外仍于白紙封  
 好上書送某保保正某人密拆鈴縣發信照圖記為信其  
 籤到前保亦照式註明到發時刻封識鈴記如某保羈遲  
 以便查究庶免彼此推諉此籤止照傳經調莊村之保正  
 一路遞傳其伍壯即令本保正密傳傳畢由未家將籤仍  
 封繳保長送縣毋致遺失取究若遇鹽徒響馬事起倉卒  
 必待調集伍壯始出緩不及事矣除城廂伍壯可就近調

隨外其鄉郵伍壯宜一面徵調令徑飛馳賊所接應不必  
 于某處伺候況賊在之地自有該處保壯官長雖星馳而  
 往不患無擒禦之人也信籤發到該保長將存執左半籤  
 比對長短字跡不差方可施行如長短字跡不對即係假  
 冒立拿來人稟報以憑究治

信籤式 以堅木為之長八寸濶寸半厚三分每樣二枝為一副金頭粉身字上單油漆其式各保俱要一樣不得分毫參差

信籤右合

某州正堂某姓 示諭 某城廂保長知悉本州凡有調集本城廂伍壯即發此籤傳知本保長籤票一到即刻飛馳密傳知票內所調鎮集村莊之保正十家長伍壯等立刻裝束持械遵定限時刻齊集某處伺候本縣親臨調度事關機密勿得漏洩違限如敢違限聲揚定行處死不貸慎特諭

某之虎合同言茂 官甲

右存本州

身字號合同信籤 官批

信籤左合

某州正堂某姓 示諭 寫卷

時比對合同字跡施行 左付某保保長收執

功罪賞罰

賞罰者勸懲之大權非必而且信無以生警懼而資鼓勵  
 況保甲既行執功執罪安可漫然而置之乎故凡有職掌者即功罪之攸係必預懸其教令使之有所趨避急功而免罪焉斯亦責成者之深所屬望也謹列其條于左  
 一保長以編保甲造保甲冊為首務如編保不清并有遺漏人戶及造冊不合式致有舛錯者每一件罰銀二錢貯充賞用  
 一保長選舉保正以協理保務是其端貴如選舉不堪一

年內犯事者量所犯輕重定罰

一鎮集村莊建柵築墻造樓濬濠不合式不堅固保長不行詳勘者每件罰銀二錢貯充賞用

一保正怠玩公事不勤訓伍壯及需索科派本保甲銀錢保長狗庇不行察舉罰銀一兩貯充賞用

一保長不嚴飭保正稽查盜逃奸宄及自不行督理致失盜窩逃等事者每件罰銀十兩充賞用如不愿罰革去

保長名色戴罪圖功其行禮在保長後另行叩首不准入保長班庭參俟有功之日開復

一保長本鄉一年之內有失事逃人奸宄三案貽累民人

者重責三十板革去保長追繳免票

一本鄉鎮集邨莊有警保長附近不至及聞報不即飛馳

督同擒捕者罰銀二兩仍拿子弟家屬代責

一劫盜響馬鹽徒入境保長聞報不飛馳督率保壯救援查出重究及在事有功有罪之保正伍壯不行詳查并

具並無狗捏甘結投報本縣以憑論定賞罰致功罪紊消本人告理者即罰本保長賠償冒賞者重責追所賞之銀仍充賞用逃罪者仍拿倍處

福惠金書

卷之二十三 保甲部



一保長勾通匪類窩賭窩逃所為不法或鄰佑舉首傷人告發審實將保長照案問擬仍于保長名下給賞三十兩與首告之人

一本鄉一年之內並無盜逃奸宄等情于年終公堂設宴備花紅鼓樂送歸其家以旌有功

一本鄉三年之內並無盜逃奸宄亦無忤逆干犯名義及鬪毆謀殺人命且有孝順子孫義夫節婦公舉即將該保長稽查訓導有功申憲鼓樂花紅給扁獎勵

一保正率同十甲長稽查逃盜奸宄及歇店住宿村莊市

集道路往來或逃或盜踪跡面生可疑之人皆其專責如有疎虞不行查察盤獲該保正每件重責三十板如所犯輕願贖每件折銀九錢充賞

一本保濠墻柵門瞭樓損壞該保正不時查看補葺務期堅固白晝看柵昏夜巡更及冬月伏路之人該保正不時查點務期小心不缺如不行查看補葺不行查點看守無人巡更伏路人夫缺少致有疎虞保正重究或本縣查勘出立行重責不貸

一本保村莊或有匪類闖柵或昏夜盜賊行劫該保正不

放銃傳集伍壯立刻圍會追捕者該保正重究仍罰銀壹兩給賞救護有功之人

一鄰村道路遇有盜賊本保各莊不鳴榔傳集伍壯該保正不放號銃督率伍壯飛馳救援協擒以及到遲賊踪已去該保正分別究處

一本保伍壯于閒暇之日該保正不以時演試兵器務期精熟如懶惰不行督演精熟及器械朽鈍不堪本縣查勘該保正罰銀充賞

一伍壯聞警或本村擒賊或別處救援孰為擒賊孰為先

到孰為退怯孰為不到以及到遲之人該保正不行明白確查徑具確查是實並無徇捏情弊甘結投報保長以致報縣賞罰不公該保正重責並罰銀給賞有功之人

一巡路捕壯拿獲盜賊逃人或盜賊逃人自首本縣審訊供有窩藏之家在某保某處及某月日于本縣境內失事立拿窩藏盜逃之家並不報之保長正鎮集長十家長從重究懲

一本保內一年之內有盜逃奸究等三案貽害居民者保

一 正重責四十板、柳號本保一個月革退、

一本保一年之內、並無盜逃奸宄之事、于歲終公堂設宴、備花紅旌獎、令有盜逃奸宄事案之保正、另席設空器陪之以示辱、

一本保三年之內、並無盜逃奸宄、亦無忤逆豪強及爭鬪殺傷人命、且有孝子順孫、義夫節婦、該保正具見平日查理訓化有方、本縣鼓樂花紅給匾獎勵、  
一 十家長稽查甲戶盜逃奸宄、及歇客店家往來住宿之人、是其專責、如有疎虞、該甲長嚴究重懲、

一本莊及他處有警、十家長不卽率同伍壯飛馳救援者、重責三十板、

一 伍壯等平日不遵保正演試有警、不卽馳救、以及帽甲腰包鞋襪不合式器械不精熟鮮明者、每件重責二十  
一 伍壯等有演習器械精熟聞警救援擒獲有功、以及孝順父母和睦鄉里、不酗酒賭博爭鬪生事、是為技勇超羣、孝悌禮讓卓有品行之人、十家長保正等連名公舉本縣訪實公堂設席花紅鼓樂彩旗銀牌送歸其家、  
一 各鎮集村長莊頭協同保長編排保甲及造冊是其責、

任如有怠玩不遵編不合式造不清白者除重編造外仍行記罰

一各鎮集邨長莊頭建築濠柵門瞭臺皆其專責如有不遵限建築合式及損壞不行補葺每件罰銀二錢存充賞用如再限不完并補葺不堪暫存該長體面拿子弟家屬每件重責二十板

一白晝看柵昏夜巡更坐臺瞭望撥派人夫是鎮長等專責如有看柵無人巡更人數缺少致有疎虞立拿重究或本縣查勘出看柵巡更人及鎮集長一併拿究

應罰之事條不能盡列俟臨時酌行

獎舉善惡

夫保甲雖所以戢盜逃而防奸宄其于相調相恤以及勸善息爭之義亦不可不講蓋祛外侮而脩內俗以臻于雍穆熙和之化不亦美乎其全保甲之中村莊之內非族屬子弟即姻婭友朋有貧難疾死者宜互相賑其困乏有爭鬪口角者宜互相為之勸解有佻健浮蕩之少年宜規其謹厚生理有忤逆暴橫之卑幼宜責其改過自新有婦人守節無資者親族里鄰宜為之捐助養贍以成其志是皆

保長正鎮集長等之尙德好義者先爲之勸導而首倡之  
 使存心忠厚者亦聞風而樂效有志上進者亦耻惡而從  
 善夫非敦厚風俗興起淳良之上理哉故凡某鎮集村莊  
 三年之內並無盜逃等事以及爭鬪殺傷典詞告狀忤逆  
 暴惡之人至歲終于本鎮集村莊通衢處所給一扁額曰  
 淳里并列保長正鎮集長等姓名于以獎異之若某鎮集  
 村莊有真樂助好施之善人有真孝順之子孫有真節孝  
 之婦女許保長正鎮集長莊頭等公舉本縣察實給扁獎  
 勵應詳憲者申請題旌如本保本鎮集村莊有真正倚強

凌弱之惡人有真忤逆不孝之子弟有真巨惡勢豪素行  
 不法之匪類許保長正鎮集長等公舉本縣嚴拿申詳各  
 憲執法究懲如保長正等有善隱蔽不舉有惡狗庇不報  
 一併重究宜以此意張榜城鄉保甲通行曉諭

嚴禁騷擾

保甲之所以長久可行者以其無擾也若使民勞力而費  
 財是未受保甲之益而先受保甲之害此保甲之終不可  
 行也今謹條其應禁者于左至于斟酌損益又在司牧  
 神明于其間耳

一保長鎮集長等編排保甲造冊其飯食紙張之費俱應自備不得借端科派烟戶况乃保長等任事之始正宜鄉黨姻婭效其保綏又豈可使之憚于舉動乎如有科斂重究

一保長鎮集長等建築柵濠瞭臺等項止宜分人戶上中下捐資出力凡盜賊窺伺多係紳衿富厚之家豈輸資力與貧寡者比况又恃勢自倨偏累小民耶法宜上戶三分中戶二分下戶一分築墻濬濠止用其力建柵置柳籬器械等件兼用其財大約貧而無資者以力代資

務期分派均平寧使殷實多捐不失為君子尚義毋令貧窮獨累反得謂小戶急公如保長等畏強欺弱酌派不均或經人呈告本縣訪聞定行重究敢有恃勢不遵偏累小民者該保長等指名稟報以憑立拿申憲重懲

一保長保正十家長等指盜逃奸宄名色詐騙鄉民許被害指名喊稟以憑拿究追贓重懲

一保長指稱具結要保正錢保正指稱具結要十家長錢十家長指稱具結要甲戶錢或被受害告發本縣訪出保長拿子弟代責保正甲長重責追贓給主仍倍罰充賞

一該房及巡路捕壯指稱管保甲查地方需索保正十家長甲戶銀錢許被害指名稟首重責追贓枷示革役一本縣查勘墻濠村莊點驗演試伍壯等所有飯食俱係本縣自備及跟隨衙役俱不許費擾民間杯水粒米如有指稱本縣供應及跟役飯食科派鄉民保甲等本縣訪查立拿處死決不姑貸

嚴禁賭博

賭博者盜賊之媒也始而蕩廢家財既而潛行偷竊及至膽大手滑而公然以劫盜終矣故欲禁盜源先嚴賭博欲

禁賭博先斷賭窩所謂賭窩皆無賴積棍專一引誘不肖子弟市井浮浪之徒窩頓其家彼則放椿捉頭某人輸彼為墊錢起發還則重息滾算某人贏彼乃二八抽豐利則半歸于已俗謂之賭錢不輸家也宜嚴飭保正十家長逐戶挨查如有此等須協同鄰佑將賭具骰子楮葉連賭博窩家一併拿送本縣審明重責枷示仍于窩家名下罰銀若干給賞拿獲之人其拿賭止將現獲究處不必令其供扳恐株累無辜以無賴狡口庇黨誣仇不足信耳凡鎮集有拾博誘賭者專以騙錢為事巡路捕壯協同總地拿獲

如鎮集長保正等不先驅逐覺察立拘該鎮長等重究罰銀若干給賞拿獲之人如此窩賭既絕聚博日稀亦消弭盜賊之一端也

驅逐娼妓

娼妓者亦盜賊之窩家也夫盜賊未行劫之先糾黨領線民家耳目不便莫若狎邪之地原無出入之妨盜賊既行劫之後匿跡避鋒本境嫌疑可畏何似平康之館聊為快活之場故欲覓盜踪多從柳陌欲追贓物半費花街宜于鎮集通衢商賈往來之處凡有娼妓著該保甲嚴行驅逐

隻影不留更有無恥富豪不肖劣衿潛圍鄉莊彼則特為護身之符此則希網荐枕之利可羞可鄙與術院何殊該保甲密稟本縣以憑嚴拿富豪重究劣衿申憲除名娼婦水戶一併責懲立具不許復至甘罪結狀存案保甲狗隱不舉并拿重懲

清查界址

夫州縣四境之界址不清每有村莊道路失事窩逃鄰境互相推諉往往上司委官踏勘大費周旋甚至兩不輸情題參會審此皆平日疎畧不留意清理之故也凡保甲既



嚴于境內而鄰封接壤之地宜票委捕尉單騎自備飯食  
 率同該約地並保正等某處與某州為鄰某處與某縣接  
 界務要寸土清查立石為表每有界久不清兩相朦混舉  
 其人則曰在彼隸籍當差問其地則曰在此納糧輸稅若  
 莊村失事窩逃彼自難辭以其人隸籍于彼也若道路劫  
 財傷人彼置不問以其地納糧于此也是乃從前忽而不  
 理一旦有事遂爾茫然始追悔之無及不已晚乎然此猶  
 謂納糧之有據也更有空曠無人之野地或處于兩岐東  
 移一尺則可云屬彼西移一尺則可云屬此祇以口舌之

為憑並無碑表之足據紛紛眾訟推卸靡已凡遇此等又  
 須移關鄰縣訂期會勘明立界石其界石須將兩處並碑  
 不可留尺寸空隙如一碑並寫某州縣南界某州縣北界  
 之類然有事之互爭而傷雅孰若無事之預清而共敦鄰  
 好乎四境界址既釐捕尉攢造清冊報縣州縣尤須單騎  
 親驗如此則一州縣之居民土壤悉有定籍可無患意外  
 之鬻爭矣

防救失火

火災亦天時人事之大者若忽而不戒將延及多家而預

為禦備之謂何春秋紀司城子罕之禦宋災以為備之有素而禦之有方特書以美之為民司牧者可不于此加之意乎凡城廂闌闐之地人烟輻輳之所宜預飭十家長保正等每家門首各備大水桶一口蔴搭一枝火鉤一杆其桶可貯水數石者蔴搭用杆長丈五六尺者綴以多蔴釘以鐵箍火鉤用熟鐵純厚者貫以粗杆俱要可用每十家置一雲梯用長粗木二根以蔴繩絞為梯級潤僅尺餘使挾之輕便可緣屋而升臨時用水濕之使火不燃凡遇火將焚十家長保正急傳伍壯齊集命烟戶丁各持蔴搭

之當作是

蘸水撲之并有力者汲水澆之以殺火勢命伍壯中趨捷者緣梯徹火所向小屋下以火鉤大索拉而倒之以斷火道街左右保正率伍壯巡止閑雜俾被燬之家服物器具圍而守之乘機搶奪者執之以竊盜論其在城諭城門謹備僚佐督役于要區以防詰奸宄在廂及村莊令守外柵者謹出入司瞭者登臺瞭望村長莊頭督丁屬于要區盤詰往來以備不虞其救火之法亦如之如天時亢陽風迅火烈不可嚮邇乃取閒廢書一冊下令曰有能撤一屋以斷火道拉一被焚之舍以殺火勢者每人賞錢若干文

不當作可

急執此書篇為驗如是咸思邀賞而奮勇爭先者有人矣  
 謹按以上十八條皆保甲中之所必講者其首要在理得  
 其人得其人而事無不舉矣其次在于功罪明賞罰信罪  
 明賞信而人無不樂用矣戢盜逃所以安民勤勸導所以  
 厚俗則獎善舉惡烏容已乎凡人之恒情莫不勤始而倦  
 終嚴先而慳後若夫保甲必自始至終無有怠形由先及  
 後不聞需擾則庶幾其能久乎至于賭博娼妓清界救火  
 若于保甲無涉然奸可藏而奸不能詰界可紊而界則累  
 人火不禦而火能物何一非損吾百姓之事耶 鴻故並

西邑黨志

歸于保甲而為司牧者倦倦致意焉抑亦願敷天率土  
 咸登于春臺衽席之安而已耳說者謂保甲可行于北方  
 而不可行于東南以北方地廣人稀東南地狹人稠故也  
 夫保甲按戶編甲按村編保初無論于地之廣狹也若謂  
 地狹人稠則地非寫遠愈覺近而易稽人匪零星益覺多  
 而易守又何東南之不可行乎然 鴻嘗觀北方州縣多無  
 城郭有亦間多土築斯豈村莊畏盜而州邑獨不畏賊耶  
 蓋北方之土善燄燒磚多窳裂無用故惟築不砌耳東南  
 土皆堅固無地不密且村莊之外每多池沼若于空隙實

以磚垣較之北方謙積濠墻不更堅久乎意謂東南之不可行者其弊有二東南賦稅煩重州縣急于期會簿書一切地方利弊俱不暇計以故盜逃疊罹叅罰亦付之無可如何此因循之弊一東南巨族大家冠蓋相望州縣每有興舉凡不便于紳士者輒倡為議論格而不行此良阻之弊二有此二弊保甲雖善又安有施設之日哉是非才長識贍理劇裕如銳志力行毅然不撓者未可遽語于斯也鴻更欲漁舟埠船一例編保使居民行旅共相安于高枕而無虞或亦留心政事者之樂聞乎敢并贅之于左

漁埠編保

凡江河湖泊之地多有漁舟盈千累百晝夜取魚倘遇商船風水不利野泊孤汀或昏暮僭程片帆獨往漁人起意謀財聚艇蜂攢因而戕命飽颺星散匿跡萑葦之中分贓藪澤之內明月蘆花全無踪影以故特為長技莫可伊何更有奸宄之徒自充三老攬載客商行至寥廓之處遽興殺害之心魚腹埋屍豺兇踞貨高檣冒買大秤分金少婦凝粧盼斷陌頭柳色哀魂號月空為夢裏歸人似此清平世界寧容魍魎之橫行若是耶夫州縣取魚之地歲必有

課課出于佃佃出于取魚之人若無專佃必有魚戶鴻以  
 為有佃則責之佃人無佃則責之魚戶如某處漁船若干  
 擇家道稍殷老成服眾者為之保長漁船稍大整者為之  
 甲長仍以十船編為一甲以一十長統之仍以百船編為  
 一保以一保正統之其保正亦擇家道稍殷精壯丁多者  
 為之其編甲悉聽親屬附近者挨編如有畸零船隻并漂  
 白鷹筏之類各就便附于某保某甲之後并統之使時相  
 稽察不許為非其船後兩旁用油灰橫寫某字號第某保  
 某甲漁戶某人船尾用白布置小方旗約廣一尺上寫字

如前以為標記不許取落此旗并糊塗船傍油灰字號其  
 字號如東湖即東字號西湖即西字號之類但各處字號  
 不得相同以致混雜難查其保長船旗用土黃布保正船  
 旗用紅布俱長二尺書字十長船旗用白布紅邊長尺五  
 書字以別之一州縣有數處即在各處編保仍分各保地  
 界如其處行旅失事即責本處船保長正督率十長挨查  
 查出真盜係漁報官或即行拿解審確保長正等免失察  
 之罪本甲十長船戶連坐如不行查出五日押比失財則  
 本保長正十甲長均賠殺人則本保長正十甲長跟緝務

保甲部

獲獲日將保正十家長分別枷責如有他處賊船尾入本  
 保行劫該保漁船不時巡哨如遇有此齊集吶喊其時保  
 正十甲長俱在水中捕魚何難環擁圍擒及飛棹跟追果  
 能擒獲賊人救免客財者將賊人船物全給充賞于客人  
 名下從厚給賞本官仍論功賞給花紅旌獎其擇舉保長  
 正十甲長等之時本官驗明果可充任者令各具互相稽  
 察不致非為并急公擒捕認甘連名互結存案保長各給  
 金花二枝細紅布二段共一丈保正各給銀花二枝粗紅  
 布五尺十甲長各給色花二枝木紅布五尺皆本官捐俸

備以先行賞而後施罰則彼知所責成而懲之亦無怨耳  
 漁船各保編完造册報縣存案其近水口岸或本處人民  
 造船裝載糧物售賣或承攬往來客商者更有他處之船  
 攬載至此脫卸再攬生意者鴻以為本處船隻無論紳衿  
 富庶俱照式編保以十船為一甲以一船為十長擇殷實  
 老成者充之以統一甲之船以百船編為一保以一船為  
 保正擇殷實老成素有體面者充之以統一甲之船并十  
 甲長如有畸零甲分船隻即附末保統之有畸零船隻即  
 附末甲統之其編保甲有親屬近鄰願編一甲一保者悉

從其便總以有所統轄稽查為主而不似陸保必以挨家  
 爲次也各口岸船隻照口岸編某字號如某字號第某保  
 第某甲船戶某人用白油灰橫寫于後半兩傍保長正十  
 甲長有船亦寫某字號保長船戶某人某字號某保保正  
 船戶某人某字號某保某甲長船戶某人亦如之其船尾  
 各保俱用濶布一幅長三尺上書字號保甲姓名如前其  
 旗色要各口岸不同免致混雜莫辨其保長卽于各口岸  
 埠頭內擇殷實老成有本力者充之令各口岸居民保長  
 正鎮集長等公保舉到官官驗實可用其編船保甲及舉

之當作是

保正之事卽以委之保正保舉到官驗實可用其舉十甲  
 長等卽以委之十甲長保舉到官驗實可用其一甲船戶  
 卽以統之其保舉保長保正十甲長等之人俱具連名保  
 結存案其本甲船戶十名共具連名互結實結得本甲船  
 戶俱係良民如有匪類非爲互結人一體甘罪結狀存案  
 其寫載各埠頭俱聽保長約束如有不妥埠頭保長指實  
 稟明查確更換平時保長稽查保正保正稽查十甲長十  
 甲長稽查本甲十船戶不得犯法非爲如某口岸地方內  
 有客商失事卽責該保長等逐船挨查查出真盜報官或

即行拿解審實。賊真証確。保長正等免其失察之罪。本甲互結之人連坐。如本甲某戶出首。即免本人之罪。其攬載客人商貨。俱要立刊印文契。係本埠之船。寫明某州某埠頭。某人有某字號。某保某甲船戶某人承攬。到某客人某貨物。裝送到某處云云。後寫埠頭官牙姓名花押。仍本埠頭登明店簿。以便存查。如本船在別處。非為刮害客商。或別處拿獲傷人首告。將埠頭及平日失察之保正十長治罪。並本甲船戶連坐。如別處船戶到本埠承攬客商。保長責令埠頭查係平素認識良實之人。方許攬載。如初到口岸

不曾認識。即訊明同處認識船戶立契作保。方許承攬。如途中有失作保人。並究其本口岸埠頭保長正等。置日報簿。每月一扇。或置循環日報簿。貳扇。每半月送官倒換。查並無失事。甘結投遞。更覺有所稽察。埠保等不敢怠忽。查填嚴查。有保甲船傍字號及船尾有旗者。即係本處之船。仍問姓名明確。許住外如無旗號者。查明何處來船。所載客幾人。係何貨物。有無弓箭什物。或係奉差。有無批牌。查驗明白。登記日報簿。方許住泊。如應對含糊。形跡可疑。有客無貨。有弓箭什物。非奉差及無批牌。嚴加盤詰。立刻報官。

福惠全書

卷之二十三

保甲部

三



以憑拿究起更時鳴鑼金定更崖上人<sup>○</sup>不許上船船上人<sup>○</sup>不許上崖撥派更夫往來巡邏天明方許開行如定更之後河內有船行走嚴驅出境不許攏岸如係來泊客船另住查明船戶客商貨物或投牙問明投何牙人方許近幫住泊如係經過雖有客商貨物昏夜莫辨著另起住泊不得近合大幫如在本口岸住泊有警更夫鳴鑼吶喊該埠頭保正鳴鑼齊集本處保甲船隻圍擒跟追如追至他口岸鳴鑼吶喊他口岸保甲船聞警飛馳協力擒拿盜賊並獲保長正十甲長俱在追擒免罪未追擒者坐罪將所獲賊

之船物全給在事人充賞如客係救免未經失財將救護之人于客名下從厚給賞本官仍論功給賞花紅以獎有功若追至別口岸不行協力擒追稟明嚴拿重究如此則本境之漁埠等船有所約束不敢為非即他處奸究之舟盤詰追捕亦不敢入境邪謀而商旅有坦途之慶矣以上保甲諸條頗極繁細每項應懸示者先期張示曉諭應票知者先事行稟傳知或將保甲事宜彙成一書使平日看熟臨時易于遵守且免舛錯鴻郊東所行俱有示票成式及保甲全書因年久散失無存即欲更擬又未必當

于高明台覽惟謹疏其目而獻之以俟採擇耳

福惠全書卷之二十三終

福惠全書卷之二十四

典禮部

總論

夫禮之大者觀君與計吏所以輯瑞玉而述職守也天子之刑賞黜陟因之俾羣吏奉法以理民而四海又安保有萬國甚盛典也故首列之其次受天子明命司牧此土其境內山川社稷文廟祠壇歲有常祀升賢造士尊德尚齒賓興鄉飲之禮歲有常儀所以崇邦典隆文治而敦勵風俗皆在乎是至于祈禱雨暘弭禳災變挽天心而補

福惠全書

卷之二十四

典禮部

一

救農功是又民事之大者也乃用並次于左惟良有司  
務竭其誠敬嚴天威以愛養百姓肅志氣以對越明神修  
典文以崇獎教化毋徒以為為政之具則績用有成時和  
年豐神人胥悅而顯秩錫于明廷尸祝永于畏壘不亦休  
哉其他典禮未能備載凡所應行亦惟以是誠與敬推之  
而已

是當作共

朝覲大計

夫三年大計各省督撫例有薦舉卓異與八法糾參而吏  
部會同都察院吏科河南道考核具題卓異官員 欽賜

蟒服即與陞遷以昭示

褒擢循良至意其八法照例分

別議處然薦舉卓異必歷俸三年並無未完錢糧盜案及  
從前亦無緣事降革復還級職之處方可薦舉其薦牘中  
又須有清廉愛民教化興行革除火耗並無酷刑贖貨等  
字樣方合例准薦若前經呈悞降革雖督撫題薦吏部以  
違例不准徒滋多費非大上臺破格特疏 天語親蒙甄  
錄不能也至于薦舉之要在平日居官廉能為上司所器  
重而太阿獨秉者則在督撫無督省分撫為主有督省分  
須平日承事兩臺並加敬謹則臨時彼此無殊若兩臺有

一參差忍倉卒難為料理然而今之所謂卓異乃平平無  
 奇大約以禮意之厚薄為優劣以諂媚之工拙為喜愠至  
 其開列事實以云講讀 上諭假寺廟為約所偶一循故  
 事而已以云建立義學于開市通衢高立門榜而已以云  
 修理 文廟于櫺星門垣略施丹堊而已而求其所謂民  
 風丕變士習還淳教化興行之實果何在哉夫大吏誠能  
 虛公體察非卓有表見之員不獲濫邀大典將見頑廉懦  
 立而斯民實有攸賴賢才弗致終淹矣其卓異大省例不  
 過三四員特疏薦舉貪酷露章糾叅八法彙疏入告其應

禮部全書 卷之二十四

留任者均列五花冊大約優考居多而劣者不與也其賢  
 否冊四柱考語自我填者非甚不肖慎母以劣蹟加人貌  
 爾前程孰非榮辱所關人填我者勿恃上有泰山少不周  
 旋卒致耽延大事蓋具疏雖出院臺而考語則自府道申  
 送藩臬而會薦也凡本州縣佐貳首領及教官賢否俱印  
 官開填其五花冊乃送部者例俟上臺各加考語亦須印  
 官開造脚色呈送若有上司開壞者須另將劣款開具手  
 本揭報或聽司府密取計冊雖送府司院攢造解京而朝  
 覲乃有本州縣攢造解府彙解之冊其式不一照各處舊

禮部全書 卷之二十四 典禮部

例行可也。若夫朝覲官員于計冊賚部之後，總于歲內到齊元旦同朝，臣慶賀向皆藩臬監司入覲，吏部請旨引見。上親詢以地方利弊，乃得各陳條奏，下部議覆。朝廷多所採用，率土羣黎沾恩不淺。近以廷臣議停其大吏入覲賚捧，皆係佐員，而大計五花各冊俱行停造，以杜地方官借端科派之弊。然而舊章不傳，知者或鮮，故并列于左，聊以志大典之一班云。

大計冊目

賢否冊 式與常用賢否冊同，已見蒞任部。凡自大計以後之官，不論丁憂陞降，在任去任俱

要開填

五花冊

式附俱開履歷不  
加攷語俟上司填註

陞任

某縣

某人

年若干歲某省府州人由某途

見任

某縣

某人

於某年月日除授今職某年月

署印

知縣

某人

日到任

守

才

政

年

某知

府某

考語

省州分

道某

考語

通志全書 卷之二十四

五		花		册	
府		縣		督撫	
按察使司某考語		布政使司某考語		院某考語	
事實		一本官		應	

朝覲册 分投司院部科各有定例臚數如左其不附式者如常開造無異式也

通政司

奏本一封 附式 副本一封 奏册一本

都察院

須知文册一本 見任官員册一本 委署官員册一本

保民五事册一本 附式 地方繁簡册一本

地丁簡明册一本 舉貢册一本 見役典吏册一本

開濬河工册一本

吏部

福惠全書 卷之二十四 典禮部 五

須知冊一本

清理文職貼黃冊二本

見任官員冊一本

モツラハルチヤカ 委署官員冊一本

考察官員冊一本

保民五事冊一本

ズキヤウラフマシキハサシクワカ  
カキツトタルヤクシヤウ 地方繁簡冊一本

鄉宦履歷冊一本

舉貢文冊一本

見役典吏冊一本

吏科

須知冊一本

見任官員冊一本

考察官員冊一本

委署官員冊一本

保民五事冊一本

見任典吏冊一本

地方繁簡冊一本

戶部

地丁簡明冊一本

積穀四柱冊一本

鹽引冊一本

逃人冊一本

典稅冊一本

羊猪牛驢稅冊一本

戶科

全上

禮部

鄉宦冊一本

舉貢冊一本

廩增附生員冊一本

僧道花名冊一本

兵科

逃人冊一本

刑部

全

工部

開濬河道冊一本

督捕廳

逃人冊

以上各冊外另要多備并存底冊一本

奏本式一本

本高一尺一寸九分濶三寸一分若題本高一尺一寸濶三寸二分

封套正面寫

實封

進呈

封套後面寫

某年某月某日中心字

本中用小字

本中宜點看事例

面印背縫印年月印填小日前後稱臣書吏背書畫字奏

本用印一顆本後接尾紙要有本中情節字幾行若本

已完止有計字年月過張接者係違式遇縫各坐鈴印



保民五事册

某省府州知縣某人

呈為計典事今將甲職任事以來所行保民五事實政理

合據實開造須至册者

計開

一實戶口

按本縣舊籍人民計若干丁口自甲職任事以來如何招徠如何撫字今查現册丁口若干較舊實增若干

一開荒蕪

田畝比舊開墾若干

一供賦役

徵輸比舊裁減若干

一興禮教

教化修舉若干

一備荒災

社倉比舊積儲若干

具册年月俱照例按此式係舊本今增易不同

宜遵 新例

冬至元旦聖壽萬壽千秋例須進表箋慶賀司府提解本  
 項銀兩無論表箋俱彙齊差官一員總進其文章該房自  
 有定式但本項經費外另有幫貼如本管上司入觀更  
 有書儀總照地方舊例且又因人斟酌之不可以小節過  
 吝致不憚于上官也

按欽定處分則例內一款官員將慶賀表文朝觀  
 計冊舛錯或遺漏不奏或遺漏字樣及借端推諉或遲延  
 及不差的當人途中耽誤以致水火盜失者俱罰俸一年

如用印歪斜模糊顛倒失用及繕寫潦草不列職名及破  
 裂染汚者俱罰俸六個月督撫亦照此例處分等語此中  
 遺漏字樣用印歪斜模糊顛倒及繕寫潦草之處最易犯  
 本官宜親加檢點貽累上司罰俸皆係自為貽出不可不  
 慎

朔望行香

朔望行香跡于套矣然未可以套視也至聖為萬  
 世師表乃文教之攸尊顯佑為本治正神實蒸民之司  
 福豈敢不誠且敬乎入其廟儼兮若臨肅容鞠躬揖必翼

如拜必俯首至地徐而起禮畢踧躅而退毋他視冠必禮  
 冠服必公服毋褻衣毋託故不親謁反此皆誣慢之大者  
 也誣聖慢神罪莫大焉無以福身何能庇民身弗福愆咎  
 及之民弗庇災變生之可不畏哉

春秋祭祀

國之大事惟祀與戎春秋上下祀典尤鉅為牧宰者在民  
 有勸稽課農之實在士有興學迪德之誠百穀登而六行  
 舉然後薦以犧牲饗以鐘鼓而神歆于祀而降之福若年  
 弗順成而俗不淳美雖清酏諧樂日陳于前神其不吐之

乎故春而祈秋而報貴有其實不貴有其文也況乎主祀  
 者視為歲事之恒而褻越從之耶于祭前十日給支欸備  
 祭物謹依祀典罔敢增減未祭之先致齋三日祭之日黍  
 盛必豐潔犧牲必肥腍醴酒必馨香執事有序對越以度  
 陪祀盡儀不舒不迫禮卒告成神人胥悅于是時和年豐  
 而庶民臻慶幽冥雖隔捷若響應鬼神之道豈可誣乎書  
 曰黍稷非馨明德惟馨民事有成虔其右享德之謂也  
 廟祭例有祝版焚帛其祝版宜字畫端楷無洗補錯落  
 須親加省覽以昭敬慎其焚帛有貯匣或有印封祭時宜  
 檢點帛幅有無在內焚時宜數明匣數恐奸役藏匿另為  
 他用以空匣欺賣明神○邇來廟壇祭物皆門斗經承領

曰當作云右

銀備辦每多草率不堪殊為褻慢愚謂文廟祭物宜學  
 官親率執事者虔製壇社祭物宜印官委佐貳監製務期  
 精潔加以主助將事敬誠庶幾無慢  
 神竇祀之愆矣覽者幸為留意

敬禮城隍

夫牧宰職明城隍職幽為民興利除害牧宰之職也為民  
 降福澹災城隍之職也然神以人靈祀以誠格幽以明顯  
 故州邑之長必克敬于神而神則應之必克虔于祀而祀  
 則歆之必克致于明而幽則通之蓋應則靈靈以人也歆  
 則格格以誠也通則顯顯以明也非是雖有神而不為之  
 應雖有祀而不為之歆雖有幽而不為之通矣于是幽明

之職相闕而不孚雖有興利除害之權而無興利除害之  
 實何以知其然也人有志而弗獲遂乃求乎神而默相之  
 無其志則無其求矣無其求則幽明之職闕矣又何相之  
 與有夫志切民瘼者雖日鯁鯁焉閭閻之疾苦務去蒸黎  
 之樂利是圖乃惶然自歎以為德薄而不足以感動乎天  
 也惟神職幽近通于帝而能代人以達情為下民而請命  
 于是澹乎災而降之福福既降利乃興矣災既澹害乃除  
 矣人之有願神則遂之為民而事神因神而奉職民熙職  
 舉敢弗敬乎鴻待罪郊東自慚薄劣惟邀福于城隍以阜

康黎庶新其廟貌虔其豆籩飾其儀衛隆其報賽惟以誠  
 敬將之乃飛蝗入境而禾稼無傷米電為災而風旋立止  
 祈晴則旭日麗空禱雨則甘霖沾足求無弗應難更僕數  
 要知城隍亦守土之司下隸是邦以為職者也故感應較  
 諸神更捷為牧宰者亦留意于以人以誠以明三者而試  
 之則知鴻之言為不謬矣鴻任鄉東告  
城隍文附

蝗災告城隍文

維神職燮陰陽下民之生禦害澹灾照臨斯土古祀  
 有之迎猫迎虎今茲仲夏蝗蝻落延趨動股越陌度

阡方將鼓翼積禍滿天譬彼潢池木斬竿揭爰用興師  
 芟蕞使絕毋俾燎原致難撲滅或捕或殄民亦效力菑  
 匪人興敬祈神殛良苗懷新惟神之仁秉界炎火惟  
 神之武至仁而武神其是依嚴威有赫靈鑒在茲

又

維康熙某年月日某官敢昭告于本縣城隍顯佑伯  
 之神曰惟神與吏咸有事于茲土則遇灾而禦有患  
 而捍神之靈也吏之職也今茲三農在野百穀未登  
 昨歲遺蝗孽生在地二麥之受其荼毒者幾半于郊外

矣乃旬日之間蝗從鄰邑西南而來振羽繩緣滕被隴萬姓奔號若喪亡之無日某等已具禱于神神未有以殛之也豈天災之難救歟百六之適際歟不然則吏之奉職無狀而精誠未能真格也民不能禦災而籲之吏吏不能為民禦災而祈之神神赫赫在上能無卽以吏與民之所祈者得請于帝歟夫以為災會流行之必然與蝗之來也綿亘千有餘里郊介其中特彈丸黑子耳將安所逃哉此皆人事之窮于補救之說也神不其然意神冥矚之中當有先民與吏而愀然愀

歎者矣神其速殛之幽母盡傷于我黍稷毋俾遺種于此田疇民尚克有秋惟神之賜神其鑒之敢告

旱灾告城隍文

惟神之陰隲下民也屢施而不厭故民之奔走于神也亦屢瀆而難盈歲在辛亥二麥將枯禱于神則雨以立沛蝗蝻入境禱于神又蝗不為災再祈而再應神之于民不可謂或厭矣一歲而三祈吾人之于神亦不可謂不瀆矣然某聞諸古之祀典蓋亦有之方社以誌報也甘雨以誌祈也農夫慶矣猶鰓鰓然來年

甘雨之慮不忘祈焉今自六月不雨至于八月雜穀之  
 登未獲于野不可以報來年之種無由入土不可無祈  
 則郊民雖屢瀆于神其容已乎第郊當荒燹之後質  
 僂無文敢潔明粢以代琴瑟神其鑒之

祈禱晴雨

雨暘弗時五穀不登四民興癘官斯土者于是有所禱之  
 事焉禁屠沽所以懼災節味也謹齋戒所以潔躬告虔也  
 于設壇三日之前滌心肅慮閣署男女皆屏去葷酒以共  
 副主人省愆悔罪之意焉敢告城隍社稷風雲雷雨以及

境內山川先農八蜡用祈神力上達蒼穹式降禍于下臣  
 以懲不德毋以守土臣之戾災及斯民乃致篤誠所格克  
 感天心俾雲漢之歌易為靈雨百谷之漏遽炳三駿至于  
 迎土龍乞潭水何異暴虎之妄斬虹霓咒雷霆實為招沴  
 之尤卓識之主願弗效焉為民請命惟在于玉帛昭虔修  
 省自責而已

救護日月

日者衆陽之宗君象也月者太陰之精臣象也日有蝕月  
 掩日也朔而正于黃道是謂臣擁君明則陽為之食月有

蝕日近月也望而正于黃道是謂臣于君明則陽斯食周禮鼓人救日月則詔王鼓胡安國曰諸侯用幣于社伐鼓于朝皆扶陽抑陰之義所以強君而弱臣也又曰退而自責皆恐懼修省以答天意蓋謂君稍有失德而天見之象以示警故人君敬天威而恐懼悔已過而修省以仰答天心仁愛人君之意也唐開元十二年七月戊午朔于曆當食大半皇帝徹膳不舉樂不葢素服日不食羣臣稱慶以為德之動天不俟終日此與宋景公一言協德管惑遂移三舍何異哉凡州邑當日月之食齋心素服于廳事之左

設壇陳香幣行叩頭禮親擊鼓師儒寮屬贊之釋道耆老亦叩首于階下擊鼓庶民皆鼓于衢巷俟復明圓乃已亦所以扶陽抑陰且日為君象譬之君有急難而臣子有不急切救禦者乎又所以教忠之道也邇者州縣因守候良久設酒殺共飲譁笑無忌甚為不敬且于救禦之意殊未昭合宜亟禁之

拜 牌接 詔

元日朝正 聖節慶賀惟外臣不及蹈舞 龍墀而一命亦獲遙稽 鳳闕趨蹕五夜儼然待漏之肅雍踧踖兩班



宛若瞻○モ○ク○ルカ 天於咫尺○ラ○ク○ニ是用敬恭○ラ○ク○ニ爰申篤○ラ○ク○ニ斐若乃金鷄○ラ○ク○ニ銜  
 詔十行○ラ○ク○ニ遍布寰區○ラ○ク○ニ 玉節馳傳○ラ○ク○ニ四牡爭騑○ラ○ク○ニ孔道望塵○ラ○ク○ニ鶴立  
 免貽後至之愆○ラ○ク○ニ負弩鳧趨○ラ○ク○ニ莫致失參之咎○ラ○ク○ニ任居衝劇○ラ○ク○ニ尤當  
 三致意焉○ラ○ク○ニ 鴻待罪○ラ○ク○ニ郊子國有賁捧者○ラ○ク○ニ經臨出郭○ラ○ク○ニ候久未至  
 以公事返署遣馬夫往探之○ラ○ク○ニ賁捧者乃誘馬夫執而縛之○ラ○ク○ニ  
 因獨負○ラ○ク○ニ 詔書疾馳入使館○ラ○ク○ニ 鴻請拜○ラ○ク○ニ 詔不許語以違例○ラ○ク○ニ  
 失接須報部參處○ラ○ク○ニ 乃謂其左右曰○ラ○ク○ニ接而後接例也○ラ○ク○ニ夫執  
 縛接人而荷○ラ○ク○ニ 詔奔馳入館其○ラ○ク○ニ 龍亭御蓋俱踉蹌于後○ラ○ク○ニ  
 此何意耶○ラ○ク○ニ 慢君褻體○ラ○ク○ニ已屬不敬而又披以詐人○ラ○ク○ニ吾且具

詳于撫憲轉達大部矣○ラ○ク○ニ賁捧者懼乃命入拜○ラ○ク○ニ并慰勸示好○ラ○ク○ニ  
 云故處通衢于○ラ○ク○ニ 詔使往來之際除明探之外○ラ○ク○ニ尤宜另撥○ラ○ク○ニ  
 潛探庶無失悞○ラ○ク○ニ免致藉為口實○ラ○ク○ニ  
 迎春○ラ○ク○ニ 附○ラ○ク○ニ 禮記立春之日天子親帥三公九卿諸侯大夫以迎春于○ラ○ク○ニ  
 東郊命相布德和令行慶施惠下及兆民又日季冬之月○ラ○ク○ニ  
 命有司出土牛以送寒氣今州邑每歲于立春之前作土○ラ○ク○ニ  
 牛其水土以冬至節後辰日歲德方取之其牛足下板用○ラ○ク○ニ  
 州縣衙署大門陽年用左陰年用右其牛色按本年干支○ラ○ク○ニ

禮部

納音所屬芒神服色亦按立春日支辰受尅者爲之其牛頭向東以東方木神之位祭拜朝之所以迎生氣也立春前一日印官僚屬公服率吏者鼓樂出迎春牛芒神于東郊迎至衙前安位再拜謂之迎春次日印官僚屬公服率吏者行禮畢各執綵仗鞭牛謂之鞭春春牛者以十二月建丑屬牛寒將極爲其像以送之送寒氣也鞭之者使鞭動其土以助生東方之生氣也東方屬木其德曰仁故後漢儀禮志立春之日下寬大之書所以合仁德而資長養也今州縣每值迎春聽該胥出票取辦猪羊祭品門綵等

物又令各行裝演臺閣娼嫖扮會之類殊屬多事可笑甚至折乾官吏分肥更爲無耻夫朝廷于此時行慶施惠下寬大之書而州縣反藉是以擾民歛怨可乎迎春土牛芒神典不可廢餘不過綵仗數莖香燭一副而已所費寧值幾文乎說者謂方春之始宜盛設襍伎使庶民歡樂以兆豐年夫損行戶之財而博士女之歡恐適足上千天和下導侈俗災咎不旋踵及尚何豐年之是慶乎若五月初陽爲天中令節俗傳三閭沉江之日後人哀之爲龍舟競渡以象招覓思救之遺意雖非載在典禮然亦弔其忠君

愛國死不忘君之雅志此龍舟似不可禁革以隳斯民三代直道之風也但有龍舟州縣宜預期出示凡龍舟止許賽神酬愿往來遊擢不得旁人擲采互相爭奪致起釁端其婦女止許沿河樓舍窺視不得登舟雜還遊舫之中以傷雅化龍舟爭鬪者重懲會首婦女登舟者重懲家長凡有關典禮及相沿舊例不可遽廢者惟以惜民財禁民爭順乎俗而無流于蕩昔子貢觀蜡謂一國之人若在孔子以為百日之蜡一日之澤未可廢也又豈特迎春之典競渡之風哉

賓興考試

取士之制惟成周最為得法而三代以下皆不及也按周禮大司徒以鄉三物教萬民而賓興之三物者六德六行六藝也德行藝成而鄉舉里選之間胥書其敬敏任恤者族師書其孝悌睦婣有學者黨正書其德行道藝州長則考其德行道藝而勸之鄉大夫于三年大比攷其果有六德六行而為賢通夫六藝之道而為能則是能遵大司徒之教而成材矣于是鄉老等用賓客之儀以典舉之書其氏名獻于天府夫教之必首德行不專以藝何其備也選

之舉之必于鄉里不自于進何其重也自閭胥族師黨正  
 書之州長考之鄉大夫比之實有成材而後謂之賢謂之  
 能取之又何其嚴也與夫行鄉飲之禮而賓興之書氏名  
 而獻之以大異于恒流待之又何其優也蓋其六德六行  
 之全六藝之備而始稱為成材則其優以異之不亦宜乎  
 迨夫漢雖有孝廉之舉賢良之登亦僅立其名非如德行  
 道藝實有兼備之材也然猶由于郡國之察舉非自急于  
 求進自順帝時左雄以限年省試經義而察舉廢自魏陳  
 羣立九品置中正而省試又廢至于隋置進士科專試文

詞皆投牒自進而德行之教州里之選乃蕩然盡矣宋王  
 安石罷詩賦而專經義似于實學稍有裨益及帖括之制  
 興天下以浮詞相尚雖三場試之策論多由記問剽竊而  
 無當于政事經濟之實所以人材期于拔十而得五以為  
 大幸若夫正誼明道絕倖重耻之士則未敢深望也嗚呼  
 豈近世人材真不古若哉上之所好下必有甚焉者誠能  
 仿成周取士之制以德行文藝並重而鄉里舉乎德行郡  
 邑試其文藝而學使者考其實彙而比之主司稽其德行  
 之厚薄較其文藝之純疵選其德行之厚文藝之純者而

獻之天府非是藝雖工不得錄將見費官泮水皆菁莪樸  
 棧之賢又何患成周選舉不克行之于今日哉雖然取士  
 之制固朝廷之酌古準今而造士之心亦牧宰之崇文  
 與教其在平日勵之于行課之于文殆與名木比預宴之  
 以鹿鳴蚤簪之以蟾桂或更資之以絲筆蔡光俾獲雋者  
 蒙獎愛而懷恩見黜者負作養而含媿謂非崇文與教之  
 一助乎若初試之童子其功名之始也如有奇才異穎者  
 准附諸生季課以壯其食牛之氣其平時牧宰宜出示曉  
 其業師父兄為子弟者須先克盡其孝悌友恭之誼致謹

中當刪去

于禮義廉耻之節而後講明其古昔聖賢之道吾儒經濟  
 之實兼乎博覽經書史籍揣摩舉業文章務期行齊顏閔  
 學配馬班錄德則渠範可風論文則元魁立撥而後干將  
 出試則冲霄劍氣遽成龍虎之文繼之圭組登朝則捧日  
 丹心輒建臯夔之績夫是之謂文行兼優之士國家共賴  
 之賢豈不為父兄增榮師長生色哉若夫素耽逸樂不事  
 詩書性復驕奢未嫻幼則一旦科歲屆期府縣應試祇憑  
 薦牘之倖收并異通昧之濫錄不顧親朋之笑耻何知誦  
 讀是生涯較之淑行禔躬稽古遜志者弗啻天壤矣凡郡

縣掄童于臨考之時亦先文告衡文一秉至公但屬私函  
 囑託即行屏黜以為奔競夤緣者戒所以端士習而敦廉  
 恥至于文義荒疎不堪收取者于本文批其孰為疵類如  
 一二語頗佳亦當為圈出以鼓其上進之心發付該承令  
 其觀示一以知鑒別之無私一以知舍取之有據夫非為  
 民父母者率迪子弟之盛念哉若乃糊其卷于壁上拿父  
 師于眾中所謂求榮反辱類于刻薄所為願仁人君子勿  
 效之也 鴻 因論賓典考試欲牧宰之崇文興教居心忠厚  
 如此至于文行兼收真才必拔又在主持風教之大人矣

凡州縣季課生童預先定期故牒本學令其曉諭諸生本  
 州縣仍出四六告示至試期分給試卷人各一本早備點  
 果午備湯飯交卷之後桌榼飲酒數巡而散是日仍請學  
 師同事初次四書題二道經題一道後次或問拈策論詩  
 賦記序等題一道而刪去經書各一道以觀其學問淹博  
 果有英才超卓者宜倍加優獎以示鼓勵其童生正考宜  
 分別已未冠出題其題擇虛靈并有議論易見才情者勿  
 出枯澁以阻遏少年文機然正考關係進取人懷僥倖之  
 心宜將頭門封鎖嚴密左右巡邏毋許衙役水夫傳遞每

童各給菓餅至做完之時試卷俱交案上不得紛求面閱其試卷務拔佳文以備前列應覆試者作一圓圖出示其應取正案者與覆試圖圖一併貼出彼知正案有名免致更求覆試希列前茅而提調官亦得耳根清靜不滋纏擾矣覆試童生無多須內衙備飯一餐以示作養之意

鄉飲酒禮

夫鄉飲酒之設所以教讓致敬尊長養老與賢之義備焉皆在上者以身率先之使民知有讓而化其所爭使民知有敬而化其弗恭使子弟知有長知有老而入能盡孝出

曰當作云

能盡悌使務乎學行者知賓賢之可貴而砥志于德行道藝故孔子曰吾觀於鄉而知王道之易易也則鄉飲之設顧不重哉禮記曰主人迎賓於庠門之外入三揖而後至階三讓而後升所以致尊讓也盥洗揚觶所以致潔也拜至拜洗拜受拜送拜既所以致敬也又曰賓主象天地也介僎象陰陽也三賓象三光也四面之坐象四時也天地嚴凝之氣始于西南而盛于西北此天地之義氣也天地温厚之氣始于東北而盛于東南此天地之仁氣也主人者尊賓故坐賓于西北而坐介于西南以輔賓賓者接人

曰當作云

以義者也。故坐于西北，主人者接人，以仁以德厚者也。故坐于東南，而坐僎于東北，以輔主人也。又曰：鄉飲酒之禮，六十者坐，五十者立侍，以聽政役，所以明尊長也。六十者三豆，七十者四豆，八十者五豆，九十者六豆，所以明養老也。周禮：卿大夫之職，三年則大比，考其德行道藝而興賢能者，以鄉飲之禮禮而賓之，所以明興賢也。夫古之鄉飲，有四：一則三年賓興賢能，二則鄉大夫飲國中賢者，三則州長習射，四者黨正蜡祭，周禮：黨正國索鬼神而祭祀，則以禮屬民而飲酒于鄉，以正齒位，非即六十五十云云尊

非即當作即

非即當作即

曰當作云

長養老之制乎。射義曰：鄉大夫士之射，必先行鄉飲酒之禮，非即州長春秋以禮會民而射于州序之制乎。然蜡射之飲，禮久不行，至于三年賓興，其宴謂之鹿鳴，而亦不以鄉飲為名。今所存者，惟鄉大夫飲國中賢者耳。然考之明太祖大誥，有云：鄉飲酒禮，敘長幼，論賢良，別奸頑，異罪人。其坐席間，年高有德者居于上年，高淳篤者並之，以次居齒而列，其曾有違條犯法之人，列于外坐，同類者成席，不許干干善良之席，是又以尊賢尚齒而寓以遠奸警慝之意也。然今世所行，亦止飲賢而姦頑不與，每歲以再行或



孟冬朔為定制乃司牧者恒視為具文而舉廢無時竟有終其任未一舉行者夫額賦存留支款例有鄉飲開銷豈徑沒為中飽而使大典湮墜乎即間有行者官長聽吏胥指唆令約地開報與斯典者不問素行何人而止擇其家道殷實鄉飲之後牧宰師儒具厚幣致謝而執事之人以及胥役莫不需索居為奇貨以故鄉人聞其開報如陷身湯火每有自暴其過及褫衣以示杖癡者不亦大可笑乎于是稍知自愛者以鄉飲為不足重而耻于居之故司牧者往往難其人而罷之說者謂鄉飲至于今日名存而實亡矣

欲下當有使  
使知之使使  
子之使使務  
之使當共刪  
去

亡矣湯謂鄉飲至于今日實亡而併其名亦亡矣然則雖欲斯民使知敬讓之風使子弟明長老之奉使務學行者欣然于興賢之可慕舍鄉飲而又何自觀感之哉湯以為州邑之大不過百里豈有年行俱優之人而竟不知之在平日所宜留意臨時博加採訪或致仕家居之紳宦或潛德高行之處士司牧者宜莊啟肅幣以聘請之至其依禮亦折衷于古寧繁勿簡至敬毋褻却止既事之謝嚴絕胥役之求況典禮遵之朝廷賓介舉乎齒德豈有公行典禮而私受謝儀敬筵賓介而擾索酬勞者乎官胥見納于

尊君事上為不忠飲者概施于行路邀名適自辱可謂  
兩失之矣夫循卓賢侯誠能于型民化俗起見而實意舉  
行安在善良之不應聘而眾庶之羣智悅慕乎

脩理文廟

夫博訪前賢之祠墓而新之旁蒐古人之勝蹟而表之皆  
有司之職也然尊禮先師敦崇文教而至聖之類宮  
尤宜加意又豈可任其荒陋之不治乎若朔望之香燭先  
期支給也階墀之茂草以時剪剔也垣廡之敬頽亟為繕  
葺也風雨之浸淫弗使罅漏也乃其飾以丹雘增之文采

此固廟貌之光執事之榮也至于牲核之豆籩饗祀之樂  
舞必先備其陳設考其器數俾裸獻申虔歌容兼盛夫非  
享禮不忒祀事孔明乎然更有其大者兩廡位次下邑每  
多失倫宜詳攷太學博稽舊編使孔門諸弟無後先踰越  
之譏歷代名儒無世序凌躐之紊一經訂正永為定式斯  
亦司教化者所宜用心也若夫尊經閣之藏書何異魯壁  
之靈文蝌蚪固宜檢閱襲之錦軸牙籤奎星樓之勝構原  
為學校之祿命權衡并亟講求助其雕龍綉虎夫非所謂  
斯文領袖多士之儀型耶較之邇來希終南之捷徑干擣

星門外略施紺色便謂テ文廟聿新列之報最之書者未ニ可同日而語矣ト

崇祀名賢

按禮有祀先賢于東序及祭鄉先生于社之文ニ即後世祠ニ鄉賢名官所由昉也ト然祀而祭者必其節行足以師表後ニ進軌範薄俗方于大典無媿近來家處素封或身通仕籍ニ便務虛名欲躋其先于鄉賢之列ニ學校里者利其厚賂文ニ宗守令徇以面情據公呈則頌德稱功滿紙不能窮其譽ニ出看語則援今證古累世無以右其賢上憲因而允行批ニ

令有司致祭奉主入祠在子若孫不過謂揚芳祖考著聲ニ鄉閭而孰知端居几座與先哲同其裸獻者不亦忍顏而ニ思却避乎夫所謂名宦必當時德澤及于民生愛戴深于ニ百世後人思其遺烈久而不忘為之建祠繪像以表德報ニ功如蜀之文翁桐鄉之朱邑閩之常袞皆歷千萬載而祀ニ事弗絕者實出于人心之誠而非有所強迫之也若今之ニ食祿其地或指某為其先世至有年代久遠士庶不能舉ニ其名氏者而亦屬其一ニ二好事按莫攷之政績多牽附于ニ舊聞公呈當事共祀先賢不知眼前之邊豆原為現在之ニ

禮典全書 卷之二十四 三

簪纓及其日後之蒸嘗究等從祧之毀主安望其時歆而  
 歲饗耶以鄉賢名宦較之濫祠各宦猶不失為地方之過  
 情謬祀鄉賢則有乖于風化之激勸司牧處此果有芳規  
 懿行黨里著稱雖無士民之請猶當訪而上聞否則務須  
 詳慎勿以營私而鬻典甚或勢焰熏灼勉從詳請至于溢  
 美之申捧主之入實有餘慙似亦宜斟酌其間免為旁觀  
 者所竊笑耳昔鴻鄉少司馬鄒匪石先生以撫閩告病家  
 居邑有故紳子囑邑衿耆為其父請崇祀鄉賢先生聞而  
 歎曰居官不能為名宦在籍安能為鄉賢衿耆聞之事乃

者重之者當  
刪去

寢以此君外任簞簋不飾被論故也及先生疾篤戒其子  
 曰吾死後有以鄉賢請者汝當為邑父母固辭之蓋因鄉  
 賢濫廁者多先生不屑與居耳由是觀之鄉賢不為賢者  
 者重而從祀者又安足重乎此所以反覆致嘅為秩典  
 惜也

旌表節孝

地方當事俱有旌表節孝之例但幽芳僻處家世寒微潛  
 行自脩不肯求表著者多矣當事何由而旌異乎然今之  
 表揚類皆城郭素封搢紳巨族或公舉之有人與援引之

多力非其道傍之桃李下可成蹊而深谷之芝蘭不採自  
 萎耶為司牧者宜歲令里耆訪其僻遠孤寒果有節婦烈  
 女孝子順孫懿行卓然者許開列事實率其族屬鄉地連  
 名舉報俟官察實然後給者具呈州縣儒學取具里鄰甘  
 結申詳各憲始見仁侯崇勵倫常闡拔幽隱之至意若必  
 俟請求而後為之轉達則所謂深谷芝蘭又何有采芳之  
 日哉鴻更有念者人之妾僕有嫡配早亡而為之撫孤成  
 立有家長並沒而為之守志不移有老奴輔遺孽而竭力  
 興家有義僕嬰賊鋒而捨身救主此與程嬰公孫杵臼李

善王安諸義俠何異哉然格于例而不獲邀褒典于

朝廷抑以其卑賤而不敢褻瀆 聖聰乎在司牧者為風  
 弊綱常起見又不可不給扁以代卓犖之旌也 近有婦  
 以身殉者有女許字在室因未娶夫亡而以身殉者此皆  
 天性貞剛不以死生而移其從一之義者也然攷之定例  
 俱不在旌表之列豈以毀傷支體自戕其生而失順命之  
 正乎說者曰夫死姑存父死子存能代夫以養姑代父以  
 撫子不亦可乎又何必道隨泉壤始稱奇節耶若夫女子  
 親迎之期未卜合卺之禮未成猶然處女也而遂以婦志  
 居然畢命似於禮有未當且二者皆旌正恐輕生者多甚  
 非所以仰體 皇仁矜全生命之至意也余曰鴻誠愚罔  
 知大道姑就事以推世有無姑與子義難獨存亦將忍作  
 未亡人乎即女子既已許人名分有定不幸偶亡欲往而  
 事姑則伉儷未諧仍歸自奔之誦欲依親以老則鴈羔有  
 聘難為膝下之嬌計惟有從容就義以下此一生大事耳

患以為婦之夫死無姑與子及女子未嫁之夫死而以身  
 殉者仍應旌表以正彝倫而維風化若謂輕生是戒固屬  
 深仁然有臣當患難或慷慨捐軀全家殉國莫不稱舍生  
 取義褒贈有加而亦得以輕生置之哉鴻昔待罪掖垣慮  
 未及此願後之君子獲近侍清班特疏上請  
 與貞節同邀盛典庶千秋閭烈光昭于天壤矣

福惠全書卷之二十四終

